

Kaadsis esimene joomatuur

Kotoh elle^q õks sis mõnõ nädälekesse,
kulla mõnõ kuukõsõ.
Sis tull' õks jo majja massukiri,
8315 maa- naate õks jo -palka pallõmma,
krundi raha korjamma.
Kaadsis pand' õks sis ette hobõsõ,
pareba paadi ruuna,
8320 sis läts õks jo Kaadsis kantorahe,
valistõ vallamajja.
Kaadsis mass' õks sis võla võõrillõ,
maamassu mahutõlli.
Üle jäi õks täl veidü viinaraha,
osa peräst ollõrahha.
8325 Kaadsis läts õks sis kõrtse, ne kõpsahto,
läts turgo, ne tolmahto,
ost' õks tä viina verevät,
ost' mamma magusat,
8330 jei õks tä topsi, kai kats,
kolmandat kummutõlli.
Sis tull' õks täl turust pall'o truukõ,
liinast pall'o ligimäidse.
Sis joodi^q õks nää^q Kaadsis juubnust,
uma truuga turilast.
8335 Liina tälle õks kõik vele^q veerätelli^q,
passatske^q pajatõlli^q:
"Kaadsil om õks sul kotoh kolm hobõst,
om viis verevät -
üte võidõ õks ar müvvä^q ütsä seest,
8340 linalaka liina jättä^q!"
Timmä õks kõik peti^q, timmä kiti^q,
viinal aiva^q õks nää^q meele viriläst,
ollõl ullist pääkese -
Kaadsis möi õks sis iist hiiro ruuna,
8345 jätt' liina linalaka.
Kallist mõista-s õks rahha tä kaubõlda,
suurt hinda hel'otõlla -
hiiro möi õks tä poolõ hinna iist,
odava raha iist.
8350 Linnu naksi^q õks sis liiko juumahe,
laugi olut ostmahe.
Liiga^q õks vil teivä^q liia meele,
aiva^q otsani ullist -
pääle möi õks vil ratta^q ravvadsõ^q,
8355 vedrovankri veerätelli.
Sis jeivä^q õks jal vahtsit vankre liiko,
ratta viina raisksiva^q.
Nii õks sis jei kavval Kaadsis,
tugõvahe Toomõ poig:
8360 kõik õks sis lavva^q lainõtiva^q,
linnu pingi^q leemetivä^q;
kiä õks sis tull', toolõ and',
karas' mano, kallut' viina.
8365 Jei õks tä kulla kolm päivä,
viis päivä viina ost'.

Inne õks tä kõrdsist kodo lää-s,
kallu-s kodo kaubakost.
Ese õks ai perrä Taadsikõist,
ai puhast provvakõist.
8370 Taadsis õks kõõ ikk' tagatarõh,
kallis provva kahitsõlli.
Taadsis õks ikula kõnõli,
provva murrõl murõhtõlli:
"Mine^q õks sa, ese, kutsu^q esi,
8375 umma kanna karistõllõ^q!
No õks imp olõ-i asi hõste,
olõ-i kõrd kõrraline,
no om õks jo tikõ tii pääl,
tund tundileemekeist!"
8380 Ese õks sis üteli': "Ikku-i, Taadsis,
kahiku-i, kallis latsõkõnõ -
õga õks mi kurja kodo tiijä-i,
saa-i tiidä^q tigõhõt!
Tütär, ikku-i õks sa silme sinitsest,
8385 silmä viire vereväst!
Ma panõ õks küll ette hobõsõ,
kalle ratso kallutõllõ,
kallu õks mi perrä katõkeske,
veerä viielä sõrmõla."
8390 Taadsis õks sis ikk', esi üteli',
visas' peoga vett:
"Tihka-i õks ma minnä^q, esekene,
minnä^q, tähe tatakene!
Mul õks kõõ ikk' iih lätt,
8395 silmävesi takah viird -
agu minno õks säääl irv'vä^q suurõ^q säksa^q,
tsusk'va^q kolga kosilasõ^q,
sis tulõ õks mul silme tulõkõnõ,
saasõ silmä saukõnõ.
8400 Innep ikõ õks ma kotoh kõõ iku,
lasõ tarõh kõõ laina!
Mul omma^q õks vil iih ikupäävä^q,
laina-elo^q idänese^q -
hüäl olõ-i õks ma tunnil ilma saanu,
8405 maama toonu maa pääle."
Ese naka-s õks väega vaidlõmma,
Taadsit sinnä tahtmahe,
esel läts ka õks Taadsist halõhõst,
minijä miilt meelütelli.
8410 Läts õks sis ese minemähe,
kallis tätä kallumahe.
Miä õks tull' tsirko, tuu tsirisi,
miä lõivo, tuu lõõride:
"Kohe läät õks sa, ese ikuline,
8415 suur papa pahaline?
Õga saa-i õks imp nätä^q umma hobõst,
tunnõ-i ruuna Toomõ herr -
hopõn om õks jo tuuh huulitsah,
last tuuhtõ laatrehe,

8420 koh omma^q õks naa^q aia^q Looja luudo^q,
väre^q ette eis^q kasuno^q,
saaridsõ^q õks koh omma^q saibapaari^q,
vasidsõ^q värehte varva^q.

8425 Sinnä õks joodigõ^q möivä^q,
sinnä passatske^q panniva^q.”

Tuud õks jal tsirist^q tsirgukõnõ,
tuud lõivo^q lõõride^q:

”Hot^q oll^q õks taa kavval su Kaadsi,
tuli-vikur^q Toomõ poig,

8430 liina olli^q õks viil vele^q vigurepa^q,
turu-Kaadsi^q kavalapa^q -

peti^q õks su pikä pujakõsõ,
joodi^q ullist uhkõ mehe.”

Inne õks vil ese usust võta-s,

8435 panõ-s tõõst papakõnõ,
ese läts õks kui kõrdsi kottallõ,

ai poodi aia mano.

Ese õks sis kullõl^q kuusi poodi,
visas^q silme viisi poodi -

8440 kuulõ-s õks imp hiiro hirnvat,
suurt täkko tännitävät,

(hiiro hirnõ õks kõõ ummi hobõsit,
veerät^q umma verevät).

Sis nakas^q õks jo ese ikmahe,

8445 läts tuimast vana Tuum:

”No omma^q õks naa^q õigõ^q tsirgu jutu^q,
liia õigõ^q linnu meele^q!”

Selle õks tuu ikk^q vana ese,
süä tuksõ vanal Toomõl -

8450 esi õks tä ikk^q ne ütäl^q,
kaihosõnno kadsatõlli:

”Minno vii-i õks imp liiva tuu verrev,
kanna-i mulda kallis hopõn!

Lihte suie õks kõõ liiva viimäst,
8455 kasvatõlli õks ma kalmu katmast -

hobõst hoiiji õks no liina hundsakillõ,
padi ruuna passatskille.”

Kinni kõüt^q õks sis uma tä hobõsõ,
tulba külge toetõlli,

8460 sis läts õks kõrtse esekene,
toet^q sisse vana Tuum.

Kaadsi õks sis istõ kui esänd,
tooli pääl kui truus^q ka:

liitnõ^q olli^q õks kõik liina ristesä^q,
8465 tulno^q suurõ^q turu-uno^q,

sälä saisi õks vil takah sada sõpra,
tooli veereh pall^q o truukõ.

Sõbra^q naksi^q õks kõik sõrme murdlõmma,
küüdseotsõ^q ots^q mahe:

8470 häbü oll^q õks näil suurõsta herrästä,
ilodo Kaadsi esest.

Mõni tull^q õks jo ülest tooli päält,
lask^q pistõ lavva takah -

tuu tundsõ õks jo häpü veid^q okõsõ,
8475 imekana ilotot.

Oll^q õks ta tark Kaadsi ese,
olõ-s torrõ vana Tuum -

kuts^q õks tä kull^q a pujakõsõst,
hellä nimelt hel^q otõlli:

8480 ”Koh om õks sul, Kaadsi, hüä hopõn,
pujal puhas ruunakõnõ?

Taba om õks vaest taadõ taatõt,
loet suurõ luku mano?”

Kaadsi sai õks sis arvo as^q ast,

8485 nakas^q haardma halõnduist.

Kuts^q õks tä kull^q a esekesest:

”Mino pardsi papakõnõ,

juu^q õks no viina, mu ese,

kulla kodokutsjani,

8490 ese-õks-sa-kene helläkene,

tätäkene, tähekene!”

Kaadsi õks eis^q hiussit hel^q otõlli,
kõrvajuuri kõhvitsõlli:

”Ese, anna^q õks no mullõ andest,

8495 pallõ pall^q o uskvast -

viin käsk^q õks mul verevä müvvä^q,

olu liita^q linalaka!

S^q oo õks taa tekk^q vilets viin,

liia kõva suur liker,

8500 liker õks mul meele mut^q utõlli,

kallis viin meele kaot^q.”

Ese õks sis kuts^q hill^q okõtsi,

tätä kõrva kõnõli:

”Taadsikõnõ õks ar tahtsõ kodo minnä^q,

8505 pardsi majast ar paeda^q!”

Selle tohi-s õks ese imp tõrõlda,

kasvataja karistõlla:

krundi olli õks jo kaart Kaadsi käeh,

peledä^q timä peoh.

8510 Ese joudsõ õks ar timä kodo kutso^q,

pardsi majja pallõlda:

”Jälke om õks meil kotoh kolm hobõst,

om viis verevät.”

Sis läts õks ka Kaadsi minemähe,

8515 lavva takast laskmahe.

Perrä jäivä^q õks viinaklaasi^q,

perrä takanahe tahhe^q ollõ^q.

Ese õks iih vällä läts,

Kaadsi jäi õks vil taadõ saismahe,

8520 läve viirde veerätämmä:

Kaadsi õks vil tagase kai,

üle ola umma ollut.

Esi õks tä kai ne kadsat^q,

gorotõlli joodikillõ:

8525 “Joogõ^q õks ti perä, kõrdsivele^q,

kulla truuga^q kummutagõ^q!

Vanna taha-i õks ma esse ikõtõlla,

memme miilt pahandõlla,

küll tulõ õks ma siia tõõsõ kõrra,

8530 nelä-viie päävä peräst.”

Ese õks jal tull^q hõikamma,

umma poiga ots^q mahe.

Kaadsi läts õks sis vällä, ne kapõrd^q,

huulitsat piti, ne hurisi.

8535 Takah naari^q õks kõik Kaadsi kõrdsinaase^q,

puhveti provvakõsõ^q:

”Ese veese õks no kodo kuku päävä,

muudsa muna moro pääle:

musta veese õks no muna moro pääle,

8540 haigõ meele haina pääle.
Ese veese õks no provvalõ puulka,
nopõ saia noorikõllõ!”
Esekene õks kõõ pett´ minneneni,
kost´ kulla sõnakõisi,
8545 koni õks tä kulla kodo sai,
kulla kodo, mar´a majja.
Taadsi tull´ õks jo vasta värehille,
oido mano uss-aiah -
üllä tull´ õks tä tarrõ tuumahe,
8550 kambrõhõ kallutamma.
Ülākene õks jo tükke tüün´mähe,
näüdäs´, pääs´o, umma päkkä.
Ese õks sis kiild´ kimmähe,
tätä hõste häälütselli:
8555 “Õga õks taa Taadsi kõvvõr olõ-i,
süü-i sino süämekeist!
Taadsi õks sul käse-s hobõst müvvä^q,
liina viiä^q linalakka!”
Ese õks sis ütäl´: “Minijäkene,
8560 mino puhas pujanaane,
joosõ^q õks ar joodigõ mant,
viinavõtja veerest!
Joodik olõ-i õks taa latsõst häälütsellä,
till´okõsõst teegatõlla.”
8565 Ese kost´ õks vil sõna kurval meelel,
papa paha süämega:
“Taadsi, panõ^q õks sa hällõ ne hällüdä^q,

teega sisse, teegatõllõ^q!”
Ese õks jal lausi meelestäni,
8570 meelest, meele poolõstani:
”Häpe saasõ õks küll man hällüteh,
tikõ man teegatõh -
jala^q jäävä^q õks üle täl jalodse,
pää üle täl pähüde.”
8575 Kaadsi läts õks sis sängõ, kapõrdõlli,
koti pääle, kupõrdõlli.
Õga taha-s imp minnä^q Taadsi sängõ,
minnä^q puhta provva mano:
koh õks tä sais´, sinnä sattõ,
8580 kohe kaldo, kapõrdõlli.
Tull´ õks sis üleest hummogol,
varra inne valgõt.
Taadsi vei õks jal vii suu mõskõ^q,
vii unõ virotõlla.
8585 Käeh oll´ õks täl valgõ käerätt,
tett hüä tiranik.
Kaadsi õks imp taha-s Taadsi vett,
võta-s kätte käerätte,
kõõ kai õks jo virve virilähe,
8590 vahtõ kogone kur´astõ -
Kur´akõnõ õks kõõ takast koputõlli,
Vilets ütäl´: ”Olõ^q vihhas´!”
Taadsi läts õks sis mant, ne ikk´,
kottalt, ne kuuk´.